

天津縣志序

予既序天津府志而邑令復以縣志告成為請予惟縣志之作較難於府其體裁之詳略又有與府小異者蓋府雖新設所領縣多分自河間河間故文獻地

各邑舊自有志縱散失殘
闕猶什存二三不難搜羅
而得津邑特肇端於衛々
則肇端於海津鎮元以前
實無可考焉即自前明設
衛而後亦祇為軍勲屯占
漕粟估鹽之地非有聲明

文物之可觀而舊志又復
艸：此編摩討論之所以
不易也然既筆而志之將
以信今傳後則紀載之詳
必加於府志而後可何者
府之所轄地廣而事繁貴
在挈其大綱標其肯要至

於纖悉遺漏初無大害以
猶有縣志可稽也縣志專
載一邑之事一切源流因
革文物制度設有幾微之
未備則竟湮沒不傳已耳
後之人何以采風而考俗
因其地而善為之治耶先

是浙東吳汪兩君惠臨是
邦任二志事兩君博物大
雅有良史才與守若令悉
心採輯予最後抵此亦間
效一得之愚未幾吳君奉
徵入都獨汪君竟其業於縣志
尤積勞勩焉揔而觀之條

分縷析綱舉目張不附會
以誇多不鋪張而失實雖
規模未能宏遠而耳目所
及庶乎無罅漏之譏矣自
古運會所開日趨於盛天
津密邇首善沐浴

雅化百年於茲重以

聖天子教養之恩至深極渥比
年來戶口倍增科名林立
而節孝任卹之行亦指不
勝屈則自今以遙人民之
殷阜俊乂之衆多禮樂之
明備必有什百於是編之
所載者吾方與司牧者早

夜孜々舉所謂教化風俗
之源休養利濟之事率作
而力行之期漸收夫成效
以待後之輯志者採入焉
此區々之心已見於府志
一序而不覺其言之重且
長

乾隆四年歲次己未七月

朔日

賜進士出身直隸分巡天津河
間等處地方兼理河務布
政使司叅政紀錄一次桂
林陳弘謀序

天津縣志序

乾隆元年予奉

命才守是郡郡雖新創

而地又畿輔規模弘遠

天津首邑附郭以治其

疆域之釐正田賦戶口

增併兵防水利之區畫
以及城池公署倉庫之
創制儲備雜政煌々更
僕雖數視昔黃圖決
錄諸書所載蓋什伯過
之是郡邑之志之著

不日或以或緩也先是前
守桂林李公議以創脩
郡志會以擢去不果予
承之來茲寸擬嗣行焉
山陰朱君出宰津邑不
期月之政年訟理六

以邑志未脩為請予欣然從之
上告制而監司俱蒙報可
遂延名產荆蜀排纂起例
散在合郡邑二志因輯之以
退之暇刪繁就簡間敘

天津縣志卷之二

紀

恩志

兼紀

聖製及臨幸盛典

臣聞周禮標饒遠之旨而洪範載近光之文要之法行自邇推恩之序然也天津去

京師三百里而近爲天宮之家削大司徒之稍地當聖聖相承之世被澤獨先雖九河下稍民艱日告而雨露旣渥罔不懷新

詔諭所播具載大猷百年愷澤深且裕矣敬合宸翰冠之外史以志斯民之感永永無極兼紀

臨幸者見東郊之步皆保釐德意也志紀

恩

順治元年九月十一日

勅長蘆都轉鹽運使司運使茲以鹽賦國計攸關長蘆宜
加清理仍照明朝近例運使職銜照道臣體統行事以
重事權當此商竈兩弊革故鼎新之日首在約束衙門
供事等官及吏胥各役使之一遵法紀不敢作弊生事
擾害商竈監司本源旣正方可表帥屬僚用循職業嚴
查場竈戶丁稽核派銷引目飭捕役以緝私鹽節供費
以催徵納剔胥蠹以疏積壅悉照近日戶部鹽政覆議

逐款舉行凡行鹽之地事關稽查勾攝銷引催課經管
州縣皆有統屬不得違禁玩令自干叅處所屬各官如
有貪污溺職縱役侵漁應提問者先行提問州縣等官
應劾奏者轉報巡鹽御史劾奏敕中開載未盡事宜爾
酌呈巡鹽御史停當施行仍聽該御史考成舉劾爾受
茲委任須持廉秉公搜奸革弊上不虧賦下不病商斯
稱厥職毋蹈明朝陋習貪黷成風因循闕冗貽誤國計
責有所歸爾其慎之故敕

康熙二十五年九月初九日

諭戶部自古帝王撫馭有軫念民依凡鞠謀生養爲計甚